



Bou ons kinders vir môre

Sondagskool 2

**Lestitel: Apostel Petrus word beopdrag om die lammers en skape
van Christus te voed**

'n Ouerhandleiding

Sondagskooltuisonderrig



Liewe Ouer

Welkom by die les “**Apostel Petrus word beopdrag om die lammers en skape van Christus te voed**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Apostel Petrus word beopdrag om die lammers en skape van Christus te voed
Bybelwoord	Johannes 21: 1-17
Lesdoelwit	Die kinders leer hoe Apostel Petrus die herder word oor die kudde van Christus. Hulle leer dat die stamapostel, die apostels en diensknegte ons herders en leraars is.

Lesopsomming:

- Apostel Petrus het teruggekeer na sy broers en susters in die gemeente wat vir hom gebid het. Hy was 'n geruime tyd weg van die gemeente. Hy het geweet dat die gemeentelide oor hom bekommerd was.
- Hy was nie veronderstel om dienste in die kerk, destyds die tempel genoem, te hou nie, omdat die raad (regering) hom nie toegelaat het om dit te doen nie.
- Die gemeentelide was baie bekommerd oor Apostel Petrus, omdat hulle bang was dat die raad hom weer sou toesluit. 'n Lid vra hom of dit nie beter is om te vertrek voordat hy weer toegesluit word nie!
- Apostel Petrus antwoord: "Hoe kan 'n herder sy kudde verlaat? Hoe kan ek julle in hierdie moeilike tyd verlaat? Die Here Jesus het my immers die taak gegee om na julle om te sien"
- Die gemeentelid was baie bly. Sy het gesê dat Jesus hulle die Apostel Petrus gegee het om na hulle om te sien soos 'n goeie herder.
- 'n Gemeentelid Chava wou weet hoe Apostel Petrus eintlik sy aanstelling van Jesus ontvang het om vir hulle te sorg.
- Petrus het aan hulle beskryf hoe Jesus hom aangestel het om hul herder te wees deur hom drie keer te vra om sy lammers en skape te voed.
- Die mense het baie sterk gevoel dat Petrus hulle almal liefhet, net soos hy die Here liefhet. Hy sou enigiets doen om vir hulle te sorg.
- Ons apostels van vandag sorg ook vir ons almal as ons herders.



Wat beteken hierdie les vandag vir ons?

- Net soos Jesus vir Apostel Petrus gestuur het as die herder van die gemeentes in die ou tyd, so het Jesus ook ons apostels gestuur wat vandag ons herders is.
- Apostel beteken “ambassadeur” - die apostelbediening kry al sy krag van Jesus Christus af en is van Hom afhanklik om ons te lei en te leer.
- Om ons te voed, het die apostels die mag ontvang om te genees en vrede te bewerk, sowel as om die koninkryk van God te verkondig en om vergifnis van sondes in sy Naam uit te spreek.
- Jesus het hierdie opdrag beklemtoon met die woorde “Hy wat julle ontvang, ontvang My, en wie My ontvang, ontvang Hom wat My gestuur het” - synde God wat Jesus gestuur het.
- Die stamapostel Jean-Luc Schneider lei vandag ons kerk.

Sommige vrae wat ons kan vra:

- *Vraag: Waarom was die gemeentes gelukkig, maar bang om Apostel Petrus by hulle te hê?*

Antwoord: Hulle het geweet dat die raad nie wou hê dat hy dienste in die tempel moes hou nie

- *Vraag: Wat was die antwoord van Apostel Petrus?*

Antwoord: Apostel Petrus het gesê: “Jy bedoel baie goed - maar kan 'n herder sy kudde verlaat? Hoe kan ek julle in hierdie moeilike tyd verlaat? Die Here Jesus het my immers die taak gegee om na julle om te sien.”

- *Vraag: Wie doen vandag wat Apostel Petrus destyds gedoen het?*

Antwoord: Ons stamapostel, distriksapostel en apostels sorg vir ons as ons geestelike herders.

- *Vraag: Wat is sommige take wat die apostels vandag doen?*

Antwoord: Heilige Verseëling / Heilige Doop / vergifnis van sondes / verordening van diensknegte soos priesters en diakens.

- *Vraag: Laat ons noem wie ons stamapostel, distriksapostel en apostel is?*

Antwoord: Stamapostel Jean-Luc Schneider, Distriksapostel John Kriel - en apostel volgens die apostelarea



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.